



PREZIDÊNCIA KONSELLU MINISTRUS

VI GOVERNUN KONSTITUSIONÁL

DILI, LORON 1 FULAN-MARSU TINAN 2016

KOMUNIKADU IMPRENSA

Sorumutuk Konsellu Ministrus nian iha loron 1 fulan-marsu tinan 2016

Konsellu Ministrus hala'o sorumutu iha tersa ne'e, loron 1 fulan-marsu, iha Palásiu Governu, iha Dili, no aprova ona **Proposta kona-ba revizaun ba dezeńu no kuadru kuantidade no presu nian (iha lia-Ingles: *BoQ – Bill of Quantities*) husi aeroportu Oecusi Ambenu**, ne'ebé apresenta husi konsórsiu nu'udar responsável ba obra ne'e.

Estudu tékniku sira, hetan validasaun husi konsultór sira, ne'ebé halo ona foin daudaun ne'e haree ba ninia dimensaun foun, kualifikasaun no kalendáriu konstrusaun nian. Koñesimentu ne'ebé hetan kona-ba karaterizasaun rai nian no redusaun husi dimensaun operasionál nian sira rezulta redusaun substansiál ida husi valór ne'ebé projeta ona ba obra ne'e, hodi mantein parámetru qualidade regulamentár nian hotu-hotu ne'ebé bele aplika.

Konsellu Ministrus analiza mós **Memorandu Entendimentu nian kona-ba Programa "Ho Musan ida"**.

Projetu ba dezvoltamentu Programa ida ne'e nian iha postu Administrativu Bagia, Munisípiu Baukau, ne'ebé Governu no Fundasaun Xpand atu asina, Ministériu Agrikultura no Peskas apresenta ona, hamutuk ho representante Fundasaun ne'e nian.

Ida ne'e hanesan inisiativa sosiál ida ho preokupasaun sira kona-ba ambiente, ne'ebé dezenvolve daudaun ona iha Timor-Leste, ne'ebé promove inisiativa floresta komunitária sira, hanesan sequestru karbonu nian (prosesu naturál kona-ba muda gas karbonu nian husi atmosfera). Intensaun husi programa ne'e atu halo ambiente sai sustentável, kontribui atu halakon moris-kiak no hamlaha, aumenta koñesimentu kona-ba kestaun ambiente nian no kria parseria rejionál sira.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608